

عجل برکت و لایقہ عالم

جغرافی ، اقتصادی ، اجتماعی تاریخی ، اداری
معلوماتی احتوا ایدهر بر تقدمه در

956.101
CEB
1925
k.1

آطنه : نورك سوزی مطبعه سی

۱۳۴۱

جیل برکت ولایتہ عائد

جغرافی ، اقتصادی ، اجتماعی ، تاریخی ، اداری
معلوماتی احتوا ایڈر برتقدمہ در

آٹنہ : تورک سوزی مطبعہ سی

۱۳۴۱

ولایتك جغرافی وضعیتی

حال حاضرده کی مررد اداریه :

شرقاً عینتاب و مرعش ، غرباً آظنه نك چیجان قضاسی ،
شمالاً مرعشك آذرین قضاسی ، جنوباً اسکندرون کورفزی ؛

عراصه ارضیه :

آمانوس [جبل برکت] طاغلیریله عارضه لیمش اولان ولایت
جنوب شرقی و شمال غربی سطح مائلری منتهالریله بر حدود
طبیعیه مالکدر . مهمجه انحطاطلر و ارتفاعلر عرض ایدن

ایجاب آید دیدیکی تدریجی و منتظم درجه حرارت تفاضلماری
داخنده اولق اوزره یکنسق بر هوایی حائزدر . درجه
حرارت اعتباریله منطقه معتدله ایله منطقه حاره وسطیسی
داخندهدر . ولایتمز ایچون خلقتک چیزمش اولدیغی حدود
داخنده ، حاکم و نافع روزکارلرله ، یاغمور استقامتلی ،
درجه حرارت ، یبوست و رطوبت عین اوصاف و شرائطی
احتوا ایتمکدهدرلر .

طرق مواصله

طبیعی بولدر :

الیوم ولایتی شمال و شمال غربی و غرب جهتلردن طبیعتاً
قوجاقلامش و تحدید ایتمش اولان جیحان نهری وسائطبسبب
ایله قابل استفاده بر حالدهدر . بو نهرک منصبین اعتباراً
هارونیه ناحیه سنک قسم غربیسنه قدر امتداد ایدن طول
اوزرنده حالاً دخی مهمجه نقلیات ممکندر و کرهسته نقلیاتی
پایله مقدمدر . مع هذامقطع جریان ، استقامت جریان ، سرعت
جریان نقطه نظرندن ، عرض ایدیلن طول اوزرنده بعض
انهار مرا کبک چالیشه بیلمسنه قابلیتیدر . بالخاصه بو نهر
منصبک یهورطهلق کبی طبیعی بر لیمانله مناسبت و علاقه خاقیه
سی-که یهورطهلق لیمانی قطعهک ولایته بخش آیدیکی بر مخرج

طاغیر ، انسانلرک هر صورتله سهیلاً موجب استفادهلری اولاییله جک تشکلاتده بولنمقدهدر . بالخاصه اولیله طائلی اعوجاجلر ، تسویه منخیزلری غایت سیرک اولیله مائله امتدادلری واردرکه آناطولیده امثالنه نادراً تصادف اولونابیلیر . شمال و شمال شرقی مائلهسی اوزرنده اصلاحیه ، کفر دیز ، دوز ایچی [هارونییه ناحیهسی] اووهلری هم موقع و منظرهلری ، همده قابلیت زراعیهلری اعتباریله حائر اهمیت وجالب دقت مائله امتدادلریدر .

موانع طبیعی :

ولایت داخلنده هرهانکی بر وضعیت اداریه ، اقتصادیه و تجاریه بی اشکال ایده جک بر مانع طبیعی یوقدر . هر نقطه نظر دن ولایتک حدود طبیعیسی اولان جیحان نهریله ، ولایتی مرعشدن آیران و آمانوسک اک مشکل تسلسل و امتدادی دیمک اولان دلدل طاغیرلی موجود ایسهده بونرو ولایتی تحدید ایدن حد و خط طبیعیلردر .

اقلیم :

جبل برکت طاغیرلی سطح مائللری منتهالیله خلقتک و بناء علیه طبیعی قانونلرک تحدید ایتمش اولدینی منطقه - که ، ولایتک حدود اداریه حاضرهسی خارجنده قالمش اولان جیحان و آیران قضالریده بو منطقه یه داخلدر - عمومیتله راقم فرقلرینک

(۲) — کلار — مرعش شوسه سنک ولایتز داخلنده کی
کیلو مترولق قسمی ؛ (۱۲ + ۵۰۰)

(۳) — کلار — شوسه سنک ولایتز داخلنده کی (۳۲ + ۵۰۰)
کیلو مترولق قسمی ،

(۴) — (۳۵) کیلو مترو امتدادنده عثمانیه — چارداق

کونی — — یاربوس ناحیه سی :

بوناردن طوپراق قلعه — عثمانیه — اصلاحیه شوسه سی بغداد
خطنک انشاسندن اول پک مهم ایدیسه ده خطنک انشاسندن
صوکره اسکی اهمیتی ضایع ایتشدن ؛ چونکه دمیر یولنه پک
یقین ، همده موازیدر .

کلار — مرعش و کلار — عینتاب یوللری الیوم اقتصاداً
فوق العاده حائز اهمیت بولمقده درلر . تورکیا — سوریه
حدودینک، یقینلی حسیلله بغداد خطیله ولایات شرقیه بیننده کی
ایجابات عسکریه نقطه نظرندن بو ایکی یولک اهمیت حیاتیه
و عسکریه لری مستغنی عرض و ایضا حدر .

چارداق — یاربوس یولی ، جبل برکتک اک مبذول و کشف
اورمان منطقه سنی عثمانیه و معموره استاسیونلرینه ربط ایتمکده
اولدیغندن ولایتک حالاً و آتیاً مواد انکشافی اولمقده در
و اولاجقدر .

بغداد خطنه عائد مهمجه بر قسمک سوریه حدودی

بحریدر - ماضیده اولدینی کبی استقبالدهده ولایتک عوامل
انکشافدن باشلیجه سی اولاجقدر . یورطه لق ایله پیاس
آره سنده و اسکندرون کورفرزی داخلندهده تخمیناً (۵۰)
کیلو مترو امتدادنجہ بر طریق بحری موجود بولمقدہدر .

صناعی یوللر

دمیر یوللر :

ولایتز داخلنده، بغداد خط کیرینک (۱۳۰) کیلو مترولق
قسمیلہ طوپراققلعہ - اسکندرون خطنک (۴۰) کیلو مترولق
قسمی موجود و ممتددر . هرایکی خط ولایتزی ، قابل زراعت
و اورمانلق اولوق اوزردایکی مناسب پارچه یه آیرمش بولمقدہدر .
مبدأ حیدر پاشا اولسنہ کوره ، طوپراققلعہ - اسکندرون
خطنک صاعی ، بغداد خطنک صولی ولایتزک قابل زراعت
اراضیسیلہ محاط و اون ایکی استاسیونلہ بزدمشدر . طوپراق
قلعہ - اسکندرون خطنک صولی و بغداد خطنک صاعی ده
پیاسدن اکبر استاسیوننه قدر جبل برکت اورمانلرینی قوشاقلامشدر .

سورلر :

(۱) - (۹۱) کیلو مترو طولنده طوپراققلعہ - عثمانیہ ،
حسن بکلی - کللر - اصلاحیہ - میدان اکبر [جنوب
حدودی منتهاسی]

مترعه لرینک محلاً بیلدیرلمسی و بو صورتله علمی توشیقاتله وطن پارچه لرینک اک موافق تشکیلاته مظهر ایدملرینه مهمامکن دلالت ایدلمکه چالیشلمسی و جوبنه بناءً ولا یتزک ، دولتک عمومی اقتصاداتی نقطه نظرندن حاز اولدینی اهمیت و خصوصیت موقعیه سی اوزرنده فضله جه توقضله تفصیل ماوقعه مجبوریت کورولمشدر .

عرفی وضعیت و نوزع :

ولایتز سکانک اکثریت مطلقه سنی تورک عنصری تشکیل ایتمکده در . موجود تورک عنصرینک اجزاسی اولان برچوق عشیرتله موجود اولوب بونلردن بر قسمی ساچوقیلردن اول ، بر قسمی ساچوقیلر زماننده ، بر قسمی ده عثمانلی حکومتک تشکیلندن سوکره تورکستان جهتلردن کیشلردر .

عشیرت هویتلری الان تامامیه سینمه مش اولان تورک عشیرتلری بوجه آتیدر : [ولایتک حدود اداریه حاضره سنه دکل ؛ حدود طبیعیه سنه نظراً]

عثمانیه قضاسی : تاجرلی ، اولاشلی ، قومارلی عشیرتله یله پک جزئی روم ابلی مهاجری ؛

درتیول قضاسی : بوزطغان عشیرتندن بر قسم ، بر مقدار روم ابلی و کرید مهاجری ؛

داخلنده قلمش اولسی حسبله ولایات شرقیه اقتصادیاتنک الیوم
اک مهم ترانسیت محلی کللر استاسیونی اولمشدر . ولایتیز
محصولات داخلیه سنک دخی مرکز اخراجی حالتی المنه
باشلامش اولان کللرک ترانسیت وظیفه سی ، اهمیت عسکریه سی
نوریه حدودینک دولتجه مطلوب ایجاب و امنیت داخلنده
بر شکل اکتساب ایتسنه قدر بالطبع بتون معناسیله دوام
ایده جکدر . ایجاب عسکریه و مقتضیات اقتصادی اعتباریله
ولایتیزک یالکز کللر موقعی دولتک بر نقطه انعطافیدر .

مرسین - کللر و حیدر پاشا - کللر استقامت واسطه سیله
ولایات شرقیه متوجه و مربوط اقتصادی و بالمقابله ولایات
شرقیه بی هر نقطه نظر دن داخلی آناطولی مراکز مهمه سنه
ربط ایدن کللر - مرسین و کللر - حیدر پاشا استقامت لر نده کی
جریان اقتصادی ، مرکز ثقلنی کللرده و بنا برین ولایتیز
داخلنده بولندیره مقده در . سیاست نزاکت و اهمیت موقعیه سندن
صرف نظر ، یالکز اهمیت اقتصادی و عسکریه ، جبل بر کنتک
اک بویوک بر اداره ملکیه جزء تامی حالنده یعنی ولایت حالنده
قلمسنی ایجاب ایتدیره ن و تحت الزمینه بولندیران اسباب قویه
اداریه در . وطنک ایجابات حالیه و مستقبله سی دولتجه عمومی
بر آهنگ داخلنده و بناء علیه عمومی بر نظر کوروله جکی
بدیهی بولندیغندن لزوم و ایجاباتک و علی العموم مصالح مهمه

اوزاق سورمیه جک بر زمان ظرفنده و اوافق بر همت مخصوصه
ایله تماماً تورکشیدرلمری قطعاً ممکن بولمقدردر . جیحان
قضاسی داخنده کی چرکسار هویت خصوصیه میله رینی محافظه
ایتمکده ایسه لرده اقل قلیل اولماری حسبله هر هانکی بر
خصوصه مؤثر اولایلماری صورت قطعیه ده غیر ممکندر
دینه بیلیر ؛ چونکه متظاهر و متبازر بر بنک اکتساب ایتمش
و ملی بنکی کیتدیجه کسب قوت ایتمکده بولمش اولان تورک
اکثریت قاهره سی آردسندده قلمش اولدقاری کبی ، ملی
هویتلرینی محافظه یه خادم و عامل بولنان سرای وسائر کبی
مؤسسات استنادیه لری منهدم و منعدم اولمشدر . جیحان نهری
حد طبیعی سیله آیرلمش اولان ولایتز داخنده کی تورک عشیرت لری ،
اقامت مدیده دو لایسیله محیط معینک تحت تأثیرنده قلمش
اولمقدن و هر حال و حرکتلرنده عصر لرحه حال تماسده بولمقدن
متولد عادات ، عنعنات و مناقب مشارکت و مشابهتی یوزندن
ولایتزک تشکلات طبیعی و سائر مؤثراتنه خاص بر هویت
محلیه آلمشدر . او درجه ده که جیحان نهرینک توزان و اطنه
جهت لریله ولایتز سکانی آره سندده دقتلیجه بر کوز ، بر چوق
حیاتی و بارز فرقلر کورمکده کجیکمز .

رینی وضعیت :

ولایتز سکانشک اکثریت مطلقه سی خنقی المذهبدر .

آياس [يمورطهلق] قضاسى : بوز طغان عشيرتدن بر قسم ،
بر مقدار روم ايلي مهاجرى ؛
جيجان قضاسى : بوز طغان عشيرتدن بر قسم ، جريد
عشيرتى ، مهمجه مقدارده روم ايلي مهاجرى ، كوردو چركس
مهاجرى ؛

باغچه قضاسى : فارصاق ديلكيلي عشيرتلى ؛
اصلاحه قضاسى : اوغجه عزالدين عشيرتدن قسم مهمي
ايه كورد عشيرتلرندن جليكانلى ، دليكانلى ، موسيكانلى ،
شريكانلى ، نه كيانلى ، بليكانلى ، بهوريمانلى ، مليكانلى عشيرتلى ؛
خاصه قضاسى : اوغجه عزالدين عشيرتك قسم متباقيسى ؛
بونلردن باشقه عشائر سياره دن آيدينلى عشيرتى موجود
ايسده يازين ولايات سائره مناطقده ، قيشين ولايتز
داخلنده سائر درلر .

عصر لردنبرى يقيناً حال تماسده بولملى حسيله عادات ،
عنعات و مناقب اعتباريله تماماً دينه جك درجده بر هويت
مشابهة معينه آلمش اولان ولايتك حدود طبيعيسى داخلنده كي
تورك عشائر مقيمه سى ، تورك كلمه شامه سيله افاده ايديلن مى
جامعه نك عمومى هويتى اكتساب اتمكده و هويت خصوصيه لرى
تدریجاً سينمكده در . اصلاحه قضاسى ، داخلنده مسكون
كورد عشيرتلى اولدجه توركلشمش بر حالده اولوب پك

تورکمنلرینک یاردیمی ده تأمینه موفق اوله رق ارمنی حکومتیجکاربینه نهایت ویرمئس و بالتیجه تورکلری و تورکلکی بو منطقه ده حاکم قیلمشدر . بو خاطر دیه حرمتاً و اضافهً مرکزی پیاس اولق اوزره عزیز سنجاغی تأسیس ایدیلمشدر .

قبیله و عشیرت حیانتک وصف تمیزی دیمک اولان عشیرت منازقاتی و حکومته قارشی آسایش و انضباطی مغل حرکات باغیانه دولایسیله آق دکنزک پک مهم برمدخل و مخرج تجاریبی اولان اسکندرونک و علی العموم اسکندرون کورفرینک تأمین سلامتی ایچون دولتجه کوریلن لزوم اوزرینه مشهور درویش پاشا امرا و اداره سنده بر قوه عسکریه ایله بر هیئت اصلاحیه طرفندن تأدیبات و اصلاحات یاپیلمش ، قبیله و عشیرت حیانتنه مهمالمنک نهایت ویریله رک تورک عشیرت لری طاعلردن ، چقور اووه کنارلرینه ایندیلمش و اسکان ایدلمش ، هیئت اصلاحیه اعضاسندن وقعه نویس مشهور جودت پاشا مرحوم طرفندن ، ولایتک هر نقطه نظر دن فوق العاده جالب دقت و اهمیت اولان برکت و قابلیتته بناءً ، جبل برکت توسیم اولمش و سنجاق مرکزی اولق اوزره ده ، ایوم ناحیه مرکزی اولان « یارپوز » انتخاب ایدلمشدر . ۱۲۹۵ تاریخنده مرکز لوا اتخاذا ایدلمش اولان یارپوز دن لوا مرکزی قالدیلمش ، لوا هیئت عمومی سنه نظراً مرکزی وضعیتده بولنان و شمندوفر کذرکاهنده اولان

اصلاحیه قضایی داخنده بر قاچ تورک کوی ایله بر قاچ
کورد کوی علویدرلر . مذهب خنفیدن اولان اکثریت
مطابقه دینه قارشلی پک صاف و قوتلی بر مربوطیت واردر .
مع هذا دینک صفوت و خالصیتی خللدار ایتمش اولان برچوق
خرافات و افراطندن خلق عمومته بریدر . بلکهده عشیرت
حیاتنک شکل سر آزاد کیسی دولایسیله اولمیدرکه ، دینک خلق
آره سنده جاری و مناسر شکل ، مراسمی ، اساسات دینه نیک
ممانت و صفوتندن پک جزئی انحراف ایدمیلیمش و دین
فطریلکنی محافظه ایتمکده بولمیشدر . بو اعتبارله خلق نه بر
طاقم فضولی و منضم خرافاتنک تحت تاثیرنده قلهرق جهلان
و معناسر بر تعصبک قربانی اولمش ، نده دینه قارشلی لایالی
و لاقیدر بر وضعیت آلمشدر .

تاریخی وضعیت :

۱۲۸۱ تاریخنه قدر یرلی آغالر و دره بکری طرفندن
اداره ایدلمک صورتیه قبیله و عشیرت حیاتی یشامش اولان
سکنه اصلیه ، کندی بکرنندن عزیز بکک تشبثات جلا دیتله ساحه
جداله آتیمش و کلیکیانک جبل برکت مناطقنده اجرای حکومت
ایدن ازمینی حکومتجکریله اوزون مدت جدال حالنده قالمش ، عزیز
بکک اوغلی داوود بک مصرک تورکملر طرفندن اداره سی اثناسنده مصر

« حمیدیه » اسمیله توسیعی انتاج ایتیش و ۳۱۰ سنه سنده قضا حاله کچن حمیدیه [جیحان] ینه عین متنفذ تأثیر لریله آطنه یه الحاق ایتدیر ایشدر . دولتک تشکیلات اداریه طبعیه سنه قدر تأثیرات شخصیه لرینی حلول و نفوذ ایتدیره ن چر کس بکلری و بالتیجه سرای ، جبل برکتی تدریجاً غیر طبیعی و مهمل بر وضعیت القای ایشدر . زنکین جرید ناحیه سنک انضمامیله نفوس و واردات اعتباریله کسب قوت و وسعت ایلین جیحان قضا سنک آطنه یه ربطیله طبیعت خلاقی بروضعت مهمه یه دوشمش اولان جبل برکتک رخنه سی کافی کلیورمش کبی قوز مووسیمیون اوغلی کبی محتکر آطنه حیویات تجار لری ولایت مجلس اداره سنده اعضا بولمارندن بالاستفاده ایاسک آطنه یه الحاقی ایچون سنه لرحه اوغراشمشار ، تحکم تجاریلرینی تشکیلات اداریه یه نفوذ ایتدیر مکه موفق اوله رق ۳۳۳ سنه سنده ولایتک ، اقسام طبعیه سندن بولنان آیاسی دخی آطنه یه الحاقه موفق اولمشدر . مناسبات و اسباب طبعیه ایله یکدیگر لرینه مربوط بولنان و آنجق بو صورتله بر موازنت نافع قدرتی حاز اولان جبل برکت مشوم نفوذ لک قربانی اولان عضو طبعیلرندن محروم قالمقده بالطبع شدتله متأثر اولمش ، غیر طبیعی شرائط و عدم موازنه ، کمیه و کیفیت تأثیرینی کوسترمش ، جبل برکتک برکتلی انکشافنی ضمویره و توقفه معروض بر ایشدر . اداره استبدادیه

عثمانیه قصبه سی ۱۳۲۵ تاریخده لوا مرکزی اتخاذا ایدلمشدر.
آناطولی شبه جزیره سیله عربستان جزیره سنک فصل
مشرکنده اولسی، قدیمدنبری اهمیت تجاریه لری معروف
و معلوم بولنان پیاس و آیاس [یمورطه لوق] و اسکندرون
کچی طبیعی مخرج بحر یلره و لیمانلره مالک بولنسی اعتباریه بر
خصوصیت و ممتازیت موقعیه عرض ایدن جبل برکت منطقه سی،
ادوار ماضیه جهانگیر و مستولیدرینک دائما جالب نظر لری
و پامال استیلالری و بمضاده قرارگاه و تلاقیکاه عسکر یلری
اولمش، بو یوزدن مستولی جهانگیر لک قوتلرینه تابع اولوق
اوزره اعمارات و تخریبات متوالیه معروض قالمشدر. الیوم
ولایتک هر طرفی خرابه لره مالیدر.

عوارض ارضیه، موانع طبیعیه، اقلیم و سائر مؤثرات
فطریه و محیطیه اعتباریه جبل برکتک حدود طبیعیه سی داخلنده
بولنان و الیوم آطنه ولایتیه تابع اولان جیحان قضاسی بوندن
مقدم « یارصوات » ناحیه سی نامیه معنون ایکن قافقاس
مهاجر لردن بر قسم چرکس عنصرینک ناحیه داخلنه یرلشدر لریسی
و بر مدت محدودده نک مرورنده سرایله کسب صهریت و ارتباط
ایدن بعض چرکس بکلرینک نفوذ مشمولری جبل برکتک
چقور اووده اک زنکین، متشبث و فعال بر ناحیه سی اولان
چرید ناحیه سنک یارصوات ناحیه سنه انضمامی و ناحیه نک

مجبوریتندہ قلمش اولان آیاسک دخی ولایتزدن فک رابطہ
ایتدیلمسی ، ولایتی هر صورتله صارصمش و شرائط غیر
مساعدهیه معروض براقشدر .

نفوس ، مساحه سطحیه :

ولایتک نفوس محققه و معلومه سی (۶۴,۰۰۰) در . ولایت
حدود طبیعیہ سی داخلندہ بولنوبده اسباب معروضه حسیلہ
ولایتزدن آیرلمش اولان جیحان و آیاس قضا لرینک نفوسلری
بالطبع داخل دکلدر . نفوس محققه مقدارینک تخمیناً درتده
بری نسبتندہ نفوس مکتومه اولدینگی قویاً محتملدر . ادوار
ساقطه اداره و حکومتلرینک قوللریله فعللری آره سنده چوق
مهم فرقلر کوره رک کندی حکومتک و بالتیجه کندی
بنلکنک بر چوق منافعی اہماله آیشمش اولان خلق ، اداره
حاضرہ نک ، تمایلات فطریہ لرینہ دہا فضلہ اویغونلغنی سزمکده
افعال و اقوالده و تخصیصاً اجر آتده دائماً مطابقت و موافقتلر
کورمکده و منفعتلرینی بو صورتله دہا محیطانہ ادرا کد امکان
بولمقده اولدیغندن اسباب مختلفہ تاثیریلہ کتم نفوسده شمدی یه
قدر بر منفعت تصور و تخیل ایتکده بولنان خلق منتظماً نفوسه
قید اولنمقده و ولایتک حقیقی نفوس مقداری کیندکجه تظاهر
و تحقق ایتکده در .

ولایتک حدود اداریه حاضرہ سنہ نظراً مساحه سطحیہ سی

والیرندن و ولایت نفوذ مادی و معنویسندن سیلاً اعظمی
استفاده تأمینی ، تحکم مسندلری احضاری ایچون حمیدیه اسمیله ده
توسیمه دلالت ایتک صـورتیه ایجاب خلقتلرینی کویسترده
توردهدی چرکس بکارینک تعقیب ایتدکلری یولی ، بشقه املار
و عمللره تعقیب و انتاج ایدن قوزمو و سیمیون اوغلی کبی
بر قایچ محتکر خرستیان تجارینک آياس قضاسنی آطنیه الحاق
ایتدیرملرنده کی مقصده کلنجه : بغداد خطنک انشاسندن اول
پک مهم بر مدخل و مخرج بحری اولان یورطه لقی لیمانده
تکشیف ایتدکلری معامله تجاریلرینی امل و آرزولری داخلنده
سهولته جریان ایتدیره بیلمک ، کندیاریله مناسبت تجاریده
بولنق ضرورت و تجوریتندیه بولنان اصنافی و خلقی بلاقید و شرط
تحکم لری آلتده بولندیرمق ، احتکاردن و سائرده معاملاتدن
متولد شکایاتک مرجعلرینی اوزاقلاشدیرمق ، آطنه ده کندی
نفوذ و تأثیر لری آلتنده کی مراجعه مراجعت مجبوریتنده براقه رق
اوصاندرمق ، ییلدیرمق و بعضاً امکانسز لغه معروض براقق
وبو صورته احتکار و تغلب تجاریلرینی آرزولری داخلنده
جریان ایتدیرمکه موفق اولق ایدی و فی الحقیقه بر مدت ایچون
تصور لری تماماً حصول بولمش ایدیه ده انقلابات دولایسیله
تمادی ایدمه مشدر . مشئوم و ملعون مقصد و نفوذ لره ،
طبیعتک و ایجابی خلقتک حدود غیر طبیعیه سی داخلنده بولنق

بر ایجابت و اصابتدر . عین صورتله قابلیت زراعیه سی پک
یوکسک اولان اصلاحیه اووه سی و مذکور قضانک کفر دیز
ناحیه سی دخی ، چیفتجیلکی قوتلی مهاجر لر ایچون پک قیمتدار
اسکان مناطقیدر . ولایتک نفوس معلومه و مکتومه سی یکون
محتملی اولان (۸۰,۰۰۰) نفوسه عشاثر سیاره نک اسکانی
صورتیله انضمام ایده جک اولان () نفوسیله کیلو مترو
مربعه اصابت ایدن نفوس مقداری () اولیور سده و سائط
حاضره ، ایجابات و احتیاجات محلیه یه نظراً مستحصل نفوسک
کیلو مترو مربعه (۲۵-۱۰) اصابت اتمسی ، مرفه و سربست
بر کچیم ایچون تجربه مزجه لازم و شممدیلک کافی اولدیغندن
دها (۵۰ - ۴۰) بیک نفوس استیعابه قابلیت و تحملی واردر .
نقاط مسروده قابلیت زراعیه اعتباریله در . اووالق اقسامه
اسکان ایدیله جک نفوسک مشغله لری زراعت اولاییله جک ایسه ده
طاغ قسمنه اسکان ایدیله جک نفوسک مشاعلی زیتونخلیق ، فستیق
و فندقیلق و عمومیتله میوه جیلق و کرسته جیلک اولاجقدر .
طاغار مزده زیتون ، فندق ، فستیق بالخاصه پک مبدولدر .
بعض آثار باقیه یه نظراً ادوار ماضیه ده اورمانلر مزده باغجیلق
و زیتونخلیق واسع مقیاسده باسيلمیشدر . جبل برکتک چقور
اووه جهتی سطح مانلاری کاملاً زیتون آغاچلریله مستورددر .

(۱۰,۰۰۰) كيلو مترو مربعيدر . حدود طبيعیه سنه نظراً - که
جیحان و آياس قضالرينک جیحان نهريله تحديد ايديان قسملری
داخلدر - مساحه سطحیه سی () كيلو مترو مربعيدر .
معلومات معروضیه نظراً كيلو مترو مربعیه () نفوس اصابت
ایتمکده در . نفوس کثافتنده کی آزلق بالطبع جالب نظر در .
بتون برکته و اهمیت موقعیه سنه نظراً نفوس آزلقی ، ولایت
حسابنه موجب اندیشه در . بو اعتبارله ولایتک نفوسه احتیاجی
درکاردر . قیش موسمی ولایتز داخلنده کچیردن و بناء علیه
ولایتک قابلیات و احوال طبيعیه سیله کسب الفت و انسیت
ایش اولان علی التحمین () نفوسه بالغ عشار سياره نك
ولایت داخلنده اسکانلری پك موافق و ممکن اولایله جکدر .
عشار سياره نك مشغله حاضرلری مختلف جنس و نوعنده
کلیتی حیوان یتشدير مک اولدیغنه کوره تبدیل مشغله کلفته
بردنبره معروض قالماملری و استحصال بحر انسندن وقایه لری
اعتباریه قابلیت حاضرلرندن استفاده ایتمک و تدریجاً تمایل
ایده جکلری مجبوریت حس ایده جکلری زراعت ایچون ده وسعت
و قابلیتی پك یو کمک ارلان اراضی داخلنده اسکانلری تأمین
ایتمک ذوالوجهین بر اسکان اولاجنندن هوایی و خواص
سائر طبعیه سیله حالاً و آتياً تمامی الفتلری ممکن بولنان باغچه
قضاسنک هارونیه ناحیه سی داخلنده اسکانلری هر نقطه نظر در

سقوط میاهلرینک بی نهایت بر کتاریله معدنلرینک ایشله دلدیکنه
شاهد اولاجقدر . چقور اووه قسمی یاز موسمنده ۵۰-۶۰
درجه حرارته قدر ترفع ایتکده اولدینندن خلقک هوا، صو
و سائر طبیعی بدیعهلردن استفاده ایچون قوشدقلری و التجا
ایتدکلری اکتین و اک الویریشلی یایلا موقعلری جبل برکت
یایلالریدر . بو یایلانر مهمامکن مدنی شکلره افراغ ایدیه جک
اولورسه بتون چقور اووهک هر درلو شرائطی احتوا
ایده بیلان اک مناسب و مساعد یایلاسی جبل برکت اولاجقدر .
الویوم قسماآده اولمقده در . بو یایلا مسئلهسی دنخی ولایتک
اک مهم منابع مستقبه سندن بریدر . حکومتک چقور اووه
مجادله صحیه سنه کوستردیکی علاقه و اهتمام مخصوصک بر قسمی
جبل برکتدن فنی بر یایلا جیلق حیاتی میدانه کتیرلسنه حصر
و تخصیص ایدیه جک اولورسه ، پک مثبت و عملی بر تدبیر
اولور ، دها محدود بر زمان ظرفنده صیتمه وورم مجادله سی
ثمره لی نتایج ویرمکه باشلار . عثمانیه بی اعظمی یکر می کیلو
مترولق بر یول ایله یایلا مواقعه ربط ایتک ، چقور اووه
ولایتلرینک احوال صحیه لرنده پک محدود زمان ظرفنده مأمولک
فوقنده بر انقلاب حصوله کتیره بیله جکی کبی ولایتلرک اورمانلردن
دها مساعد شرائط داخلنده استفاده سنی تأمین ایش اولق
نقطه نظرندن ده اقتصاداً پک مهم بر انقلاب و انکشافه وسیله

اقتصادی وضعیت

ولایتک منابع حاضرہ سی :

ابتدائی بر حالہ بولنان زراعتی ایلہ پورتقاجلیق، عین
ابتدائی لکدہ بولنان کردستہ جیلک، اودونجلیق و کورجیلکدر.
منابع حاضرہ نک علمی و فنی بر طرزده ایشلہ تیاملری حالندہ
بو یوزدن حاصل اولاجق ثروت طبیعیہ پک یوکسک بر مقدارہ
بالغ اولایینہ جکدر .

منابع مستقبلہ :

پک متنوع و مبدول معدنلر، زیتونجلیق، بانجلیق، پورتقاجلیق
و میوہ جیلکدر. جبل برکت طاغلرینک چقور اووہیہ ناظر
و تمتد سطح مائللرندن چقور اووہیہ دوغری آقان و جیحان
نہرینہ انصباب ایدن وهر موسمده جریانلری دوام ایلمین سیلابی
مزاجده کی ایرمقلری و درہ لری پک مهم و پک جالب دقت
سقوطلر یا مقده اولدیغندن پک یوکسک مقدارده قدرت
الکتریقیہ استحصالی دائما و سهیلاً ممکن بولنمقده در. بناء علیہ اک
تصرفکار بر اصول و طرزده قوہ محرکہ استحصالی دیمک اولان
سقوط میاھلردن قدرت الکتریقیہ استحصالی آتیا صنایع
جسیمہ نک تأسس ایدہ بیلمسی ایچون اک قوتلی بر ضماندر .
باخصوص متنوع معدنلری ایوم سینه سندہ صاقلایان جبل برکت،

حاضر لابق املنده اولسی کبی جالب اهمیت نقاطک وجودی البته قابل رد دکلدر . بناءً علیه ولایتی اقتصاداً قوتلی بولندیره رق هر هانکی بر استیلای اقتصادی ایچون غیر قابل حلول و نفوذ بر حاله کتیرمک و بو حالده دوام ایتدیرمک اقتصادی بر ایجاب ضرورتدر .

ولایت داخلمده انکشاف فکری و بالتیجه انکشاف اقتصادی هنوز حال تولدیده بولندینی جهتله واسع صلاحیتی بر ادارهٔ ملکیه جزء تامی دیمک اولان ولایت تشکیلاتنک هر نقطهٔ نظر دن دلالت و ولایتنه بر مدت ایچون خالقمز محتاج و مقتدردر . کرک انکشاف محلینک حال ابتدائیده بولنسی ، کرکسه حدود بویی تشکیلات و تشکلات اقتصادی سنک سیاست حکومتله علاقه دارلنی دولایسیله واسع صلاحیتی ، احاطه لی و نافذ نظری بر ادارهٔ ملکیه طرفندن تدویر امور ایدلسی بر ضرورت علمیه در .

ایوم موجود تشکیلات حکومتک واردات لازمه سنی تأمین ایدمه مکده اولان ولایتک منابع موجودهٔ حاضره سی ، بر اساس سالم و صحیحه ربط ایدیه جک اولورسه پک محدود زمان طرفنده تشکیلات اداره یه کفایت ایدیه جک درجه ده واردات تأمین ایدیه بیله جکی محققدر . منابع موجودهٔ حاضره دن سرعت و سهولتله امکان حلی بولنان مسائل بروجه آتیدر :

اولاً جقدر .
طبیعتك وسائر مناسبات و مؤثراتك جبل بر كته باغلا دینی
جیحان و میورطه لوقضالریك آظنه یه ربطی ولایتمزی متبادیاً
و مستمراً دوچار ضعف ایتمکده و اقتصاداً فلجه اوغرا عمده
دوام ایده جقدر . هان ده نصفی اورمان منطقه سی اولان جبل
برکت ولایتی نفوسی ، بالطبع قابل زراعت اووا اقسامنده
متکافدر . تماماً قابل زراعت اووا قسمنده اولان ایکی قضانك
آیریلیشی ، نفوس متکافه نك قسم مهمنی ولایت نفوسندن
آیرمش اولدینی کبی ، قابل زراعت اقسام اراضینك و قابلیت
زراعیه لری حسب الموقع و حسب المشغله یو کسك اولان اهلینك
دیگر بر ولایتیه ربطی ، ولایت واردات زراعیه وسائر خصوصات
اقتصادیه سنی پك غیر معقول و شایان اندیشه شرائطه معروض
براقمشدر . آنا طولی و عربستان شبه جزیره لرینك هر نقطه
نظر دن اك نازك و حساس فصل مشترکنده بولنان ولایتك
محروم انکشاف قالمسنده ، مانع انکشاف شرائطه معروض
بر اقلیمسنده اداری ، اقتصادی و تخصیص سیاسی نقطه نظر دن بر اصابت
بولنمدینی و بولنمیه جنبی بر حقیقت مثبته و باهره در . ولایتك
زنکین بر دولته قومشو بولمنسی و بو قومشونك حرباً و قهراً
استیلا ایدوب بالتجربه عدم امکانتی آکلادینی ولایتمزی استیلا
اقتصادیه معروض براقق و بو صورتله مصلح بر حوله زمین

ظهور و تسلسل ایتکده و حکومته ، اراضیک حقیقی صاحبیرینک
حقوقی سه لرحه دوچار اھمال اولمقده در . بو حالک سرعت
ازالھ سنک اقتصادی و اخلاقی منافی بالطبع پک بیو کدر .

— بر طاقم مغلق و شامل تعمیرلرله کویا بر حدود معین
داخلنه آلمش کبی ظن ایدیلن اراضی ، طاپوده کی مساحه
سطحیه سیله بر قاچ مثلثی فرق کوسترمکده و بو صورتله بالفرض
بشیوز دوئم اراضی قیدی اولان بر آدم، جهات اربعه تعمیرات
تحدیدیه سنک، شمولی و مغلقیتی سایه سنده فضولی اوله رق بشییک
دومنه تصاحب ایتکده و موجود اراضی مقدارینک مستحصل
خلق آره سنده معقول و متوازن شرائط داخلنده توزعنه اک
بیوک انکل تشکیل ایلکده در . بر طاقم مغلق تعمیرات تحدیدیه ایله
واسع بر صورتده تحت انحصارده قالان اراضی هم ایشلتلمکدن
محروم قالمقده ، همده اراضیسی اولیانلرک و یاخود غیر کافی
درجده اولانلرک انتفاع و فعالیت زراعیه سنه اک بیوک مانع
تشکیل ایتکده در . بو جهتکده بر آن اول اصلاحی ، زراعی
و بالتیجه صنایع انکشافی تسریع و تسهیل ایله جکی شبهه سزدر .
چونکه خلقک محله مصرف اولاجق انتفاع هوسی شدتله
تحریک ایدلمش اولاجنی کبی ، حقیقی مستحصللر حسابنه پک
مفید ، مملکت اقتصادیاتی نقطه نظرندن پک مهم تأثیراتی
اولاجنی و شرائط معقوله داخلنده اراضینک خلق بیتنده توزعنه

۱ - اليوم اشخاص تصرفند بولنوب طاپوجه مقيد اولما-
ديغندن ويركويه تابع بولنيمان اراضى مقدارى ، ويركويه تابع
اراضى مقدارينك هر حالده برقاچ مثيدر .
۲ - كرهسته، كمور واودون كى اورمان مستحصلاى اوقدر
غير منتظم بر حالده بولنمقده دركه، ولايتك اخراجات حقيقه
سنويه سيله ، رسومى التمقده اولان مقدار آراسنده همان اون
مثلنه قريب فرق واردر . اراضى ايله اورمان مستحصلاى ،
هيچ بريده ولايتمز درجه سنده دوچار اهامل اولماشدر .
بوايكى مسئله نك سرعت وسلامت حلى ، ولايت واردات
حاضرهنى مصرفه تقابل ايتديره سيلير ومتوازن بر بودجه نك
ميدانه كتيرلىسى ممكن اولور . منابع موجوده حاضرهنك وجه
قانونيده حلى ايله برابر علمى برطرزده ايشاتلملرى حالنده ايسه
واردات ، مصرفى تجاوز ايدور . مسرود ايكى ماده نك حقيقى
وضعته صوتياملرى هم پك محدود زمان ظرفنده ممكندر ،
همده حكومت ، ديكر محللر وارداتيله ولايتمز مصارفنى قياتمق
مجبوريت وانديشه سندن قورتيلمس اولور . بالخاصه اراضى
مسئله سيله صورت جديدده مشغول اولمانك بروجه آتى اسباب
دولاييسيله فوآدى پك فضله اولاجقدر :

۱ - عين اراضى حقدنه تواريخ مختلفه عائد متعدد طاپولر
موجود بولنمقده در . بويوزدن بر چوق منازع فيه مسائل

ایلیش اولاجقدر. هر سنه ۲۰-۳۰ ملیون پورتقال اخراجاتی یاپان
درتیول قضا منرك پورتقال اخراجاتنده کی اوضاع غیر اقتصادیه
میاننده باشدیجه سی اوزون قره یوللری نقلیاتدر . جبل برکت
و قوزان ولایتلری ده هیئت عمومی لری اعتباریله عین اشکال
و صفحاته معروض بولنمقده درلر . حالبوکه اک مهم پیاسه لرده،
قطعی رقابتاره تحمل کوستره بیله جک بر وضع طبیعیده بولنان
چقور اووونک اک مهم اقسامی نقلیات بریه فیأت و مشکلاتی
یوزندن هر سنه انکشافندن و منافعدن کلی ضررلر
اوغرامقده در . یمورطه لوق طبیعی لیمان دولایسیله - دمیر
یوللرینک و جیحان نهرینک نقلیاتده ایضا ایده جکاری وظیفه-
لرده نظر دفته آلمق شرطیله - نقلیات بحریه ایچون اک مساعد
وضعیتده بولنان جبل برکت و قوزان چقور اووولری پک اوزون
نقلیات بریه ایله اک غیر مساعد شرائط اقتصادیه نک زبونی
اولمقده درلر . جیحان نهری غرب طرفی بر ویا ایکی کوپری
ایله شرق جهته ربط ایدیلیر و یمورطه لوق طبیعی لیمانه شمیدیک
بر پارچه همت ایدیلیر سه مذکور لیمان واسطه و وسیله سی
سریع و مثبت بر انکشافک حامل و ضامن اولور . یمورطه لوق
لیمانی ؛ کرک حدودلرک وضعیتی ، کرکسه مهم پیاسه مراکزینه
بحر آرتباطی دولایسیله ولایات شرقیه جریان اقتصادیسنی
دخی بیوک بر قطعیتله کندیسنه جلب ایده بیله جکدر . هم

وسيله تشكيل ايله جيكي بديهيدر .

تخيّر مطالعه :

ولايتك اقسام سائرهمي حدودلرنده طبعيلك - سياسي اسباب و مجبوريتار دولاييسيله سوريه جهتي حدودنده غير طبعيلك موجوددر - وارسهده ولايتك غرباً حدودى تماماً غير طبعي و بناء عليه غير ادارى و غير علميدر . بوجه بالا مثبت و باهر حقايق و ايجاباب علميه دن ده مستبان اولاجنى وجهه ولايتك غرب حدودينك جيحان نهريله تحديدايدلمسى و جيحان، آياس قضاالرينك ولايته ربطى علمى براجابدر . يمورطه لى كجى طبعي بر ليمانك بر پارچه مظهر مظاهرت اولسى ، جيحان نهرى حد طبعيسيله چرچيوه لته جك اولان ولايتى بردنبره انكشاف ايتديره جكددر . جيحان نهرى ايله آريلان جبل بركت چقور اووه سنك بتون اخراجاتى صورت مطلقه ده يمورطه لى ليمانى واسطه سيله اجرا ايديله جك ، اسكندرونك اليوم تماماً اسقاط ايديله مهين اهميت تجاريه و اقتصاديه سى سقوط ايتديريله . جكددر . قوزان جهتي چقور اووه سنك جيحان نهرينك مناسب بر ويا ايكي نقطه سنندن اساس كوپريلرله جبل بركت چقور اووه سنه ربط ايدلمسى حالنده ايسه يمورطه لى ليمانى بسبتون كسب اهميت ايله جك و ولايتز وضعيت اقتصاديه سنى بردنبره انكشاف ايتديره جك ، اسكندرون ليمانك سقوطني ده تسريع

و تخصیصاً پک مبذول و پک جالب دقت سقوط میاهل محروقات
جهتیه جبل برکتی دائماً دهها مساعد شرائط اقتصادی داخلند
بولندیراجق و بناءً عایه صنایع جسمه نك تأسس و تشکلی
حالنده هیچ بر رقابتک صارصامیه جنی بر وضعیت متینده
قالاجقدر؛ چونکه اک اقتصادی و طبیعی قوه محرکه عاملی
اولان کلیتلی و پک اهمیتلی صو سقوطلرینه صاحبدر. آطنه
بلکهده زراعت خصوصنده ممتازیتی مهمامکن محافظه ایدیه بیلیر؛
فقط استقبالک اک مدھش بر قدرت الکتریقیه و بنا برین قوه
محرکه ده پوسی اولق استمداد و قابلیتند بولنان جبل برکت
چقور اوودنک استقبالده اک مهم بر الکتریک مدخری
اولاجقدر.

حال حاضرده واردات و نفوس حاضرده سیله ولایت اولایلمک
شرطلرندن یالکنز ایکسینی پک موقت بر زمان ایچون حائر
اولامیان ولایتک نفوس مسئلهسی آندرین وقارص قضالرینک
ولایتہ الحاقیه حل ایدیله بیلیر بر شکل سهیلدهدر. نفوسی
لاعلی التعمین بر طرزده تزید و تکشیفک اقتصاداً بر قیمتی
اولمدینی و اولامیه جنی بدیهدر. استحصال منابعی و سرمایه
قوتلی اولان محللرده طبیعی بر صورتده نفوس تکالیف ایدره.
استحصال منابعه پک قوتلی بر صورتده مالک بولنان جبل
برکته تشبث و سرمایه قوتلریده کلکه باشلامشدر. هنوز

ولا يتمزك ، همده ولايات شرقية نك اك مهم و شرائط لازمه ي
اك ابي بر طرزده حائر بر مخرج بحريسي اولمش و اولاحق
بر ليمان اولان يمورطه لغك ، اسكندرون ليماني اوزرينه يپاجني
تأثير و تضيق بو صورته دها زياده كسب وضوع ايلكده در .
حالا موجود و مثبت علمي ، اداري ، اقتصادي امجابات ؛
آتيا محقق و اليوم غير مكشوف بر صورته موجود قابليتار
و منابع ، حال و آتيا به نظراً خصوصيت موقعه دولايسيه
بروجه معروض حدود طبيعه داخلنده اولمق اوزره جبل
بركتك ولايت حالنده ابقا و اداره سي ، چقور اوونك اك
بركتلي بر كوشه سنده فياض و پ نور بر جبل بركتك سرعته
دوغماسني و شرائط مسروده يي احتوا ايتديكي تقديرده چوق
سورمه جك بر مدت ظرفنده آطه ايله هر نقطه نظر دن هم
سويه اولاييلمسنی تأمين ايله جكدر . اليوم آطنه ده تأسس
ايلش و كيتدكجه متوسماً تأسس و تشكل ايلكده و ايله جك
اولان فابريقر و صنايع جسيمه قوه محرکه نك استحصاله
مقتضي محروقاتي اوزاق مسافه لردن جلب ايلك مجبوريتنده
بولندي بندن ، قوه محرکه مسئله سنده جبل بركتك حائر اولديني
شرائط مناسبه فينه و اقتصاديه يي هيچ بروقت حائر اولاميه جق
و بناء عليه قوتلي رقابتار ايجون بو يوزدن دائماً ضعف حس
ايله جكدر . جبل بركتك استناد ايتديكي واسع اورمانلر

لایقی و جبهه طانماش و طانتدیرلماش اولان جبل برکتی
طانتق خصوصنده هازمانه تشبثاته کیریشیلمش اولدیغندن پک
یقین بر زمانده متشبثلرک و سرمایه نك و بونلری تعقیباده نفوسک
تکاشفه باشلايه جنی شبهه سزدر . منابع استحصالیه سی ، صنایع
جسیمه نك اقسام مهمه سنده مقتضی مواد ابتداییه می مبذولاً
محتوی ، قوه محرکه عاملارینه الك اقتصادی شرائط داخلنده
مالک بر ولایتی ، بتون قوتلرینه و منابعه رغماً یا لکنز نفوس
و واردات مسئله برنده کی نقصانی حاضرده ببناء الغاء ایجاب علمی
خارجنده بر قرار اولاجقدر . واردات مسئله سی اوافق بر
اصلاحات و همت مسئله سیدر . نفوس مسئله سی ده بوجه بالا
عرض ایدیان طرز زرده حل و انتاج ایدیه جک مسئله در . هر
درلو علمی تدقیقاته دائماً « جبل برکت » اولدیغی تعیین و تحقق
ایده جک اولان ولایتیزک ابقاسه قرار اعطاسنک تأمینی علمی بر
قرارک حصوله وسیله تشکیل ایدیه جکی جهتله بو بابده کی قیمتدار
مساعیکزه بتون ولایتجه عرض افتقار و احتاج ایلکده اولدیغمن
استرحامنه تردیفاً اشبو علمی ایضاحنامه مزى تنظیم و تقدیم ایلدک .

جبل برکت ولایتی فلوس فرقه سی

شعبه مرکزیه سی

ATÜ Merkez Kütüphanesi



* 0 0 3 8 0 5 9 *

956.101/CEB